

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

মুসলমান বাংলাদেশি-আমেরিকান যুক্তরাষ্ট্রে নৌবাহিনী ইমামের বাংলাদেশ সফর

ঢাকা, ৩রা মার্চ -- ঢাকাস্থ যুক্তরাষ্ট্র দূতাবাসের একটি কর্মসূচিতে যুক্তরাষ্ট্র নৌবাহিনীর লেফটেন্যান্ট কমান্ডার আবুহেনা সাইফুল ইসলাম সম্প্রতি বাংলাদেশ সফর করেন। সফরকালে তিনি ধর্মীয় নেতা, সুশীল সমাজের প্রতিনিধিবর্গ এবং বাংলাদেশের সামরিক কর্মকর্তাদের সঙ্গে সাক্ষাৎ করেন। যুক্তরাষ্ট্র সরকারের অর্থায়িত ত্রাণ ও পুনর্বাসন তৎপরতা বিষয়ে সরেজমিন অভিজ্ঞতা লাভের জন্য তিনি ঘূর্ণিঝড় সিডরে ক্ষতিগ্রস্ত বিভিন্ন এলাকাও পরিদর্শন করেন।

লে. কমান্ডার সাইফুল ইসলাম বাংলাদেশে জন্ম গ্রহণ করেন এবং যুক্তরাষ্ট্রে নৌবাহিনীতে যোগদান ও মুসলমান ইমাম হওয়ার পূর্বে তিনি যুক্তরাষ্ট্রে অভিবাসন করেন। একজন ধর্ম উপদেষ্টা হিসেবে তিনি সামরিক বাহিনীতে কর্মরত সকল ধর্মের নারী-পুরুষকে পরামর্শ দিয়ে থাকেন। বাংলাদেশ সফরকালে তার বিভিন্ন আলোচনায় যুক্তরাষ্ট্র সামরিক বাহিনীতে ইমামতি কর্মসূচি, একজন মুসলমান ও যুক্তরাষ্ট্রে একজন ইমাম হিসেবে তার ব্যক্তিগত অভিজ্ঞতা এবং সকল মানুষকে তার সহযোগিতার অঙ্গীকার -- এসব বিষয় উঠে আসে। গত ১৪ বছরের মধ্যে লে. কমান্ডার সাইফুল ইসলামের এটিই প্রথম বাংলাদেশ সফর।

ঢাকাস্থ আমেরিকান সেন্টার আয়োজিত ধর্মীয় নেতৃবৃন্দের সঙ্গে একটি প্রাণবন্ত গোলটেবিল আলোচনায় লে. কমান্ডার সাইফুল ইসলাম অংশগ্রহণ করেন। এতে বাংলাদেশ ও যুক্তরাষ্ট্রের মুসলমানদের অবস্থান নিয়ে আলোচনা হয়। তার দৈনন্দিন জীবনে তিনি কিভাবে আমেরিকানদের ইসলাম ধর্ম সম্পর্কে শিক্ষা দেন সে সম্পর্কেও তিনি মতবিনিময় করেন। ইসলামিক ফাউন্ডেশনের আমন্ত্রণে লে. কমান্ডার সাইফুল ইসলাম জাতীয় মসজিদ বায়তুল মোকাররম পরিদর্শন করেন এবং ইসলামি মূল্যবোধ সমুন্নত রাখার গুরুত্ব বিষয়ক আলোচনায় অংশগ্রহণ করেন। তিনি মাদ্রাসা শিক্ষক,

প্রধান শিক্ষক ও শিক্ষার্থীদের সঙ্গেও সাক্ষাৎ করেন এবং একজন মুসলমান হিসেবে যুক্তরাষ্ট্রে বসবাসকারী হিসেবে তার অভিজ্ঞতার নিয়ে বিভিন্ন প্রশ্নের উত্তর দেন।

এছাড়া, ইমাম সাইফুল ইসলাম সিলেট ভ্রমণ করেন এবং সেখানে আমেরিকান কর্নারে একদল শিক্ষক-শিক্ষার্থীদের সঙ্গে সাক্ষাৎ করেন। বাংলাদেশের দক্ষিণ-পশ্চিমাঞ্চলে সফরের সময় তিনি ঘূর্ণিঝড় সিডরে ক্ষতিগ্রস্ত মানুষের সাথে দেখা করেন। সিডর-পরবর্তী পুনর্বাসন ও পুনর্গঠনে যুক্তরাষ্ট্র সরকারের অঙ্গীকার সম্পর্কে এক প্রশ্নের উত্তরে তিনি বলেন, ঘূর্ণিঝড় আঘাত হানার সাথে সাথেই আমেরিকা যে জরুরি ত্রাণসহায়তা দিয়েছে তাতে তিনি গর্বিত। তিনি উল্লেখ করেন, যুক্তরাষ্ট্র এনজিও ও বাংলাদেশ সরকারের সাথে একযোগে পুনর্বাসন তৎপরতায় কাজ করে যাচ্ছে। তিনি বিভিন্ন ঘূর্ণিদুর্গত এলাকা পরিদর্শন করেন এবং যুক্তরাষ্ট্র কর্তৃক অর্থায়িত বর্তমান প্রকল্পগুলো সম্পর্কে অবহিত হন। জীবিকা ও অবকাঠামো পুনর্গঠনে এসব প্রকল্প গৃহীত হয়েছে।

বিদায়ের আগে সাইফুল ইসলাম যুক্তরাষ্ট্র পররাষ্ট্র দফতর আয়োজিত এক ওয়েবচ্যাটে অংশগ্রহণ করেন যেখানে বাংলাদেশসহ সারাবিশ্বের বিভিন্ন মানুষ অংশ নেয়। ওয়েবচ্যাটের লিখিত ভাষ্য প্রস্তুত হলেই তা যুক্তরাষ্ট্র দূতাবাসের ওয়েবসাইট (<http://dhaka.usembassy.gov>)-এ পাওয়া যাবে। এটিএন বাংলা টেলিভিশনে প্রচারিত একটি টকশো'তেও লে. কমান্ডার সাইফুল ইসলাম অতিথি হিসেবে যোগদান করেন।

=====

জিআর/ ২০০৮

দ্রষ্টব্য: এই নিবন্ধের ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।